

आकाशवाणी

खबरां

1. छत्तीसगढ़ मुठभेड़ च 31 माओवादी मारे गे, 2 सुरक्षाकर्मी इस टाकरे च शहीद ते होर जख्मीं बी होए न।
2. गृह मंत्री अमित शाह होरें छत्तीसगढ़ च नक्सलीयें खलाफ आप्रेशन च शहीद होए दे 2 जवानें दे परोआर आहलें कन्नै संवेदना जाहिर कीती।
3. दिल्ली दी मुखमंत्री आतिशी होरें असैम्बली चुनाएं च आम आदमी पार्टी गी हार दे इक दिन मगरा लेफ्टिनेंट गवर्नर वी.के सक्सेना होरें गी अपना इस्तीफा सौंपेआ।
4. परीखा पे चर्चा दा 8मां संस्करण कल नमीं दिल्ली दे भारत मंडपम च आयोजित कीता जाग।
5. प्रधानमंत्री मोदी फ्रांस दे राष्ट्रपति इमैनुअल मैक्रों हुंदे कन्नै ए.आई एक्शन समिट 2025 दी सह अध्यक्षता लेई कल पेरिस खाना होङन।
6. क्रिकेट च भारत ते इंग्लैंड बश्कार 3 मैचें दी इक रोजा अंतरराष्ट्रीय श्रृंखला दा दुआ मैच जारी ऐ। इंग्लैंड नै भारत गी जित लेई 305 रन्जें दा दित्ता लक्ष्य।

<><><><><><>

छत्तीसगढ़ च सुरक्षाबलें कन्नै जारी मुठभेड़ च इकतीस (31) माओवादी मारे गे न। दौनें पासैआ गोलीबारी च दौं सुरक्षाकर्मी बी मारे गे न ते दौं होर जने जखमी होई गे न। पुलिस दे मुताबिक सब्बनें माओवादियें दी लोथ बरामद कीती गई ऐ। बीजापुर जिले दे नेशनल पार्क दे जंगलें च सुरक्षाबलें दी इक सांझी टीम, इस इलाके च मती गिनतरी च माओवादियें दी मौजूदगी बारे खुफिया जानकारी हासल करने मगरा तलाशी अभियान चला'रदी ही। अज्ज बड्डलै थमां सुरक्षाबलें ते माओवादियें बश्कार रुकी-रुकियै गोलीबारी होआ करदी ऐ। मौके थमां इक माओवादी दी लोथ बरामद कीती गई ऐ। इलाके च पकड मजबूत करने लेई होर सुरक्षकर्मी भेजे गे न। मौके थमां बड्डी गिनतरी च हथियार ते गोला-बारूद बी बरामद कीते गे न। इस इलाके च अजें बी तलाशी अभियान जारी ऐ।

<><><><><><>

Amit Shah Chhattisgarh

गृहमंत्री अमित शाह होरें अज्ज छत्तीसगढ़ च नक्सलियां खलाफ अभियान च मारे गेदे दौं शहीद जवानें दे परौआरें पर संवेदना जताई। सोशल मीडिया पोस्ट च श्री शाह होरें आक्खेआ जे देश हमेशा इनें नायकें दा ऋणी रौहग। उनें आक्खेआ जे सुरक्षाबलें गी अज्ज छत्तीसगढ़ दे बीजापुर च बड्डी सफलता हासल होई ऐ जित्थें 31 नक्सली मारे गे न ते बड्डी मती मात्रा च हथियार ते विस्फोटक बी बरामद कीते गे न। गृहमंत्री होरें अगले बारे 31 मार्च तोहड़ी मुलख थमां नक्सलवाद गी पूरी चाल्ली खत्म करने दे संकल्प गी दोहराया।

<><><><><><>

Aatishi-Resignation

सूचना



Pariksha Pe Charcha

परीखा पे चर्चा दा 8मां संस्करण कल नमीं दिल्ली दे भारत मंडपम च आयोजित कीता जाग। इस चर्चा च हर बरे प्रधानमंत्री नरेंद्र मोदी होर बच्चें कन्नै उन्दे मतेयानें दे बारै च गल्लबात करदे न। सब्बनें राज्यें ते केंद्र शासित प्रदेशें थमां 36 विद्यार्थिं गी प्रधानमंत्री हुंदे कन्नै गल्लबात करदे लेई तालेआ गेदा ऐ। इस बरे कोई 5 करोड़ लोक मुलखै दे बक्ख-बक्ख हिस्से थमां इस कार्यक्रम कन्नै जुड़डन। कल बडुलै 11 बजे प्रधानमंत्री होर बच्चें कन्नै गल्लबात करंगन। परीक्षा पे चर्चा इक ऐसे मंच दा कम्म करदी ऐ जित्थे प्रधानमंत्री सिद्धे विद्यार्थिं, उन्दे अध्यापकें ते माता-पिता कन्नै बी गल्लबात करदे न ते मतेयानें गी लेइयै उन्दे तनाव ते शक-शुबे गी दूर करदे न। इस कार्यक्रम दा सिद्धा प्रसारण आकाशवाणी, दूरदर्शन, स्वयं, स्वयंप्रभाव, प्रधानमंत्री हुंदे दफ्तर ते यू-ट्यूब ते सूचना ते शिक्षा मंत्रालय दे सोशल मीडिया चैनलें पर बी उपलब्ध होग।



Lebnon-Govt.

लेबनान च प्रधानमंत्री नवाफ सलाम हुंदी अगुवाई च नमीं सरकार दा गठन होई गेआ ऐ जेह्दे कन्नै गै 2022 बरे थमां जारी गतिरोध बी खत्म होई गेआ ऐ। राष्ट्रपति जोसेफ जौन होरें पिछली कम्म चलाऊ सरकार दा स्तीफा मंजूर करी लैता ऐ ते प्रधानमंत्री सलाम हुंदी अगुवाई च नमीं सरकार दे गठन दे हुक्मै पर दस्तखत कीते। नवाफ सलाम

इक तर्जुबेकार सियासतदान न ते अंतर्राष्ट्रीय अदालत दे अध्यक्ष बी रेही चुके दे न। उनें इजराइल ते हिजबुल्ला बश्कार होए दे संघर्ष विराम समझोते गी लागू करने दा वायदा कीता ऐ। उनें मंत्रीमंडल च अहे मंत्री मुसलमान ते अहे मंत्री इसाई न।

<><><><><><>

Ladakh-Zojila Pass

ज़ोजिला दर्रा एनएच-1 श्रीनगर लेह हाईवे, लद्दाख ते कश्मीर ते उसदे बाहर बी उस गी जोड़ने आह्ला इक महत्वपूर्ण पहाड़ी दर्रा. 11 हजार 5 सौ 75 फुट दी ऊंचाई पर मौजूद ऐ। इक ऐतिहासिक उपलब्धि दे तौर उप्पर एहू खित्ते दी सझालै दी कठिन स्थिति दे बावजूद बी पैहली बारी फरवरी दौरान खुल्ला रेहा ऐ। इस उल्लेखनीय उपलब्धि दा श्रेय मकामी प्रशासन, जिला अधिकारियें, सीमा सड़क संगठन (बीआरओ) परियोजना बेकन, परियोजना Vijayak UT लद्दाख पुलिस ते जम्मू-कश्मीर पुलिस ते भारतीय सेना दे अथक जतनें गी दित्ता जंदा ऐ, जिने सिफर शा घट्ट तापमान ते चुनौतीपूर्ण मौसम दी स्थिति दे बावजूद बी एहदा आओजाई गी बनाई रखने गी यकीनी बनाये दा ऐ। ज़ोजिला दर्रा कश्मीर ते लद्दाख दे बश्कार इक जरूरी राबता ऐ जेहड़ा रक्षा, बपार, नागरिकें दी आओ-जाई, ते सैलसफा आस्तै मता जरूरी ऐ। एहदे कन्नै फौजी गड्डिएं दी आओजाई च सहूलियत होंदी ऐ ते लद्दाख च मते जरूरी माल-समेयान गी उत्थे पुज्जने गी यकीनी करदा ऐ। हाल च गै प्रदानमंत्री मोद खड-मोरह सुरंग का उद्घाटन किया। जेड-मोरह सुरंग जम्मू कश्मीर च गेम चेंजिंग इंफ्रास्ट्रक्चर परियोजना ऐ। 6.5 किलोमीटर च फैली दी एहू दो लेन सुरंग गगंगीर गी सोनामार्ग कन्नै जोड़दी ऐ, जेहदे कन्नै पहाड़ी स्टेशन तगर

साल भर जाने दी खुल्ल यकीनी बनी जंदी ऐ, जेहड़ा पैहलें हिमस्खलन आहली सड़कें दे कारण कठोर सर्दियों दौरान कट्टी दित्ता जंदा हा।

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 बरें दे बश्कार ऐ ते ओहू कठुआ जिले दा रौहने आहला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंधत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू पिन कोड 180001 उप्पर 15 फरवरी 2025 थवां पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

PM-France-Visit

प्रधानमंत्री नरेंद्र मोदी होर कल पेरिस दौरे पर जा'रदे न जित्थे ओहू फ्रांस दे राष्ट्रपति मैक्रों हुंदे कन्नै ए.आई एक्शन शिखर सम्मेलन 2025 दी सांझे तौरा पर अध्यक्षता करङन। शासन च आर्टिफिशल इंटेलीजेंस दा इस्तेमाल करने दे बारै च पेरिस च कल्लै थमां 2 दिनें ए.आई एक्शन शिविर सम्मेलन 2025 शुरू होआ'रदा ऐ। एहदे च केई वैश्विक नेता, उद्योग जगत दे मन्ने-परमन्ने दे लोक ते केई शोधकर्ता हिस्सा लैंगन। प्रधानमंत्री नरेंद्र मोदी होर फ्रांस दे राष्ट्रपति इमैनुअल मैक्रों हुंदे कन्नै इस शिखर सम्मेलन दी सह अध्यक्षता करने लेई कल पेरिस लेई रवाना होंगन। इस आयोजन दा मकसद वैश्विक ए.आई नीतियें गी आकार देने दे कन्नोकन्नी, नवाचार ते नैतिक जिम्मेदारी दा आपूं च तालमेल यकीनी बनाना ऐ। पेरिस दे ग्रैंड पैलायस च इस महत्वपूर्ण वैश्विक कार्यक्रम दी तैयारियां जोरें-शोरें कन्नै जारी न। इस आयोजन च 100 शा मते मुल्लें दे नुमाइंदें, उच्ची सतह दे शोधकर्ता, कारोबारी जगत थमां मन्ने-परमन्ने दे लोक ते सिविल सोसायटी दे सदस्ये शिरकत करंगन ते शासन, अर्थ बवस्था ते मौलिक अधिकारें पर ए.आई दे असर बारै चर्चा करंगन।

<><><><><><>

Waves Summit

सूचना ते प्रसारण मंत्री अश्विनी वैश्वणव होरें आखेआ ऐ जे दुनिया दा पैहले आडियो विजुअल मनोरंजन सम्मेलन वेब्ज राएं भारत गी सामग्री तैआर करने दा इक कुलसंसारी सतहू दा केन्द्र बनने च मदद थहोग। इक सोशल मीडिया पोस्ट च उनें आखेआ जे भारत सृजनात्मकता यानि क्रिएटिविटी दे लिहाज कन्नै दुनिया दा पावर हाउस बनने दी तैआरी

च ऐ। मंत्री होरें इब्बी दस्सेआ जे इस सम्मेलन च दुनिया दे मन्ने परमन्ने दे मीडिया संगठनें दे मुख कार्जकारी अफसर ते होर केई नाम चीन हस्तियां बी शामिल होंगन। पैहला वेब्ज सम्मेलन इस बारे पैहली मई थमां 4 मई तोड़ी मुंबई च आयोजित कीता जाग। प्रधानमंत्री नरेन्द्र मोदी होरें बी द'ऊं रोज पैहले वेब्ज दे सलाहकार बोर्ड दी बैठक लाइयै इस बारे सलाह सूत्र कीता हा।

<><><><><><>

Railway-Vaishnav

सूचना, प्रसारण ते रेल मंत्री अश्विनी वैष्णव होरें अज्ज गोरखपुर रेलवे स्टेशन दा निरीक्षण कीता ते गोरखपुर जंक्शन दे प्रस्तावित माडल दा अवलोकन कीता। रेलवे अधिकारियें श्री वैष्णव होरें गी मॉडल स्टेशन बारे विस्तार कन्नै जानकारी दित्ती। स्टेशन दा डिजाइन गोरखपुर दी संस्कृति ते विरासत गी ध्यानै च रक्खियै कीता गेदा ऐ। श्री वैष्णव होरें दस्सेआ जे नमें एयरपोर्ट टर्मिनल दे कोल नमां स्टेशन बनाने दी योजना दे निर्देश बी अधिकारिएं गी दित्ते गेदे ना।

<><><><><><>

Cricket

भारत ते इंग्लैंड बश्कार इक रोजा अंतरराष्ट्रीय 3 मैचें दी श्रृंखला दे कटक च खेड्डे जा रदे दुए मैच च भारत नै खीरी खबरां थोने तगर 15एं ओवरें च विजन कोई विकेट मुहाए दे 114 रन्ज बनाई लैते देन। एहदे थमां पैहले इंग्लैंड नै पैहले बल्लेबाजी करदे होई 3305

रन्ज दा लक्ष्य जितत लेई दित्ता ऐ। इंगलैंड दी पूरी टीम 49 ओवरें ते 5एं गेंदें च 304 रन्ज बनाइयै आल आउट होई गेई।।

<><><><><><>

PM CAG-Report

प्रधानमंत्री नरेंद्र मोदी होरें दिल्ली दे लोकें गी भरोसा दोआया जे दिल्ली च आप सरकार दी नियंत्रक ते महालेखा परीक्षक दी रिपोर्ट पैहले विधानसभा सत्र च पेश कीती जाग। एह गल्ल प्रधानमंत्री होरें दिल्ली विधानसभा चुनाएं च 70एं चा 48 सीटें पर जित्त दे मगरा बीजेपी दे मुख्यालय च पार्टी समर्थकें गी संबोधित करदे होई आक्खी।

<><><><><><>